

PANORAMA OF PROPHECY

A LIFE-CHANGING BIBLE STUDY!

SAMANG JALNA LENGAM

Daniel 2:1-49

A THUSIM ...



Babylon lenggam hi loupi leh lentah ahi, ahinlah Nebuchadnezzar lengpa hi alal jalkhun chung a alunggel aboilheh jenge. Ka loupina lenggam hi itihchan geiyn ading jou dem tin angaiton, chuleh ama kichai henlang hileh alenggam thupitah hi itobang asohdem?

Hitobang thudoh chu gel pumin lungboitah chun aumin, lengpa chu aki-lhim imutsoh tai. Hiche jankhang laitah chun alungmit a phat danga sohkhallow mang kidangtah amu in milim lentah tihh jatchom chom kigom a kistem khat kichentah in amue. Hichun a-imut ahung kinkhang tan aponsil alehlhan, jalkhun chung kon achomdoh in apeng in asohte a-aajah in aseitai: “Nanghon ahshi lekhatthem, ailhim thim leh miching mithem jouse hinkou khomloi tauvin. Samang kajalna chung kathilmu hi kahet nom e ati!”

Miching mithem jouse chu lengpa lungkhamna tuh dingin ahung kisukhomloi tauve. “hichun lengpan ajah-uva aseitai, keiman mangkhat kaneiyin, chuleh hiche kamang chu keiman kahet nom e.” Daniel 2:3. Alah uva themgao khat chun ahindonbut tai, “na sohte chu namang neiseipeh uvin lang, chutengleh keihon ipi kiseina ahi seipeh unge ati.”

Nebuchadnezzar chun amang chu ipi ahi ahaimil a ahethdoh theilou ahitai. Hiche miholoi chun Pathen tilouvin hitobang mang ki-im kisel chu seidoh thei ponte atiphat uvin lengpan jong amaholoi thepna leh aboltheinau chu asongjou tapoi. Patepna tahbeh mong mongin apateptan “kamang chu neiseidoh peh unlang chuleh aledohna jong chu neihil diu ahi, chutengleh keiman nangho kipaman sangtah kapeh ding nahiuev” achutilouva ahileh natahsau abong-abaiya kasat chanchan a chuleh na-inn nalou jouseu kilapeh ding nahiuev! ati”

Ahsi lekhatthem leh ailhim them hon seibe ding ahetaipouve ajeh chu lengpan amang seidohlouva ahilchetna bol ding chu kajoupouve atisoh jeng tauve. Hiche jeh chun lengpa achunguva alunghang tan Babylon lenggam sunga miching mithem a kisei jouse thana ding thupeh aboltai. Hijeng jongleh Pathenin aphot leh amun amoul toh kitoh in milim lentah jan mang thudol chu seidoh ding leh hilchet ding ahinsol tai.



SIM DING

Bible hohi sim cheh inlang a onglai sudim in.

1 Ipijeh a Pathenin Babylon lengpa chu hiche janmang chu apeh ahidem?

Daniel 2:28 *Amavang vanna Pathen khatseh achengin aman hitobang thil ki-im ho hi aphongdoh jie; hiche Pathen hin Nebuchadnezzar lengpa henga hungsoh ding thil aphondoh ahitai.*

2 Lengpa thumop a panghon janmang hilchetna aneilouphat a, Nebuchadnezzar ipi thupeh aabol em?

Daniel 2:12 *Lengpan jong ... Babylon gamsunga miching mithem jouse thupeh aboltaic.*

NOTE: Babylon sunga Ahsi lekhatthem holeh ailhim them hon thil boltheina kaney uve ati, ahinlah lengpa janmang aseidoh theilou phat uvin, amaloi chu thina chan gotna achanguve. I-ham tin lengpan amang chu seidoh jeng taleh, ahilchetna jatchom chom akisem doh theiyu ahi. Nebuchadnezzar jong alunghan husan in hiche miholoi sese chu tha ding atin –Amun a hunglou ho jong tha ding ahi ati. Hiche ho kisuhkhomna masat a hung jao theilou lah'a Daniel kitipa chu Pathen gingmi ahi, ama chu lengpa natong dinga kisinsah joupan mi ahinalaiye.

3 Daniel in miching jouse thana ding thupeh ajah chun, lengpa henga ipi aseiya chuleh aloiho henga ipi thu alhut em?

A. Daniel 2:16 *Daniel jong lengpa henga avah lut jengin, lengpa mang chu aledoh theina dinga anga din agataotai.*

B. Daniel 2:17, 18 *Daniel jong a-inlama achen athudol chu agolte ho Hanani'ah leh Misaha-el toh Azari'ah jah a Chujongleh hiche thil aki-im thudola hi van Pathen hepina athum'uva, Daniel le agolte chuleh Babylon gamsunga miching mithem jouse amanthah louna diuvin jong aseipeh tai.*

NOTE: Daniel in Nebuchadnezzar henga phat athumbe in hitia chu janmang chu aheddoh a chuleh ahilchetna akholdoh theina dingin. Lengpan jong ajangmang thudol hetdoh a ahilchetna angalal behseh jeh chun athil thum chu anoppeh tai. Chujouvin Ama leh agolte sese chu lengpa janmang seidoh thei umsun pa Pathen koma chun ataotauve. Van Pathen henga atao tauve.

4 Pathenin Daniel henga janmang aseidoh peh phat a, thangvahna leh vahchoina koi achansah em?

Daniel 2:23, 28 *Vo Kapu kapate Nangma kathangvah in kachoi-an e ... Vanna Pathen khatseh achengin aman hitobang thil ki-im hohi aphongdoh jie.*

NOTE: Lenggam banneicha kichai holeh ding nalai hohi mihemten eiho bol jeh a umdan in kilou-isaue, ahinlah Daniel taonaa konin hitia thil jouse hi Pathen kikumna jeng ahi ati. Thil jouse hi Pathenin ahethlouva sohdoth leh umdoh imacha aumpoi. Khatvei teng hiche leiset hi ipity ahi iheji pouve, ahinlah Pathenin imajouse chung a vai ahome ti ihet tengleh lungmon akineiy e. Daniel bouvin lengpa mang aseidoh in, ahinlah pachatna leh vachoina chu mang hinhetsahtu – Van Pathen ijakai ape i.

5 Lengpa in amanga thil ni amu chu Daniel in ipipi ahiye ati'm?

A. Daniel 2:31 *O lengpa nangman najan mangin khat namui.*

B. Daniel 2:34 *nangin mihem khut a kisui kikhengjol hilou chu navei.*

NOTE: Amasapen a lengpan amu milim lentah chu anoiya thih jat chom chom hoakon kisen doh ahi:

1. Milim luchang chu **sana** ahi
2. A-oplhang leh akhut hochu **dangka** ahi.
3. A-oilhang akan amalbul sese chu **sum-eng** thih ahi.
4. Akeng teni **thih** tah ahi.
5. Chuleh akengphang leh akeng jung hochu **thih leh lei** kihal ahi.

Abanin, Lengpan songtum mihem khut a kisui hilou amue. Hichepet a chu, Leng Nebucahdnezzar jong alalouna chung a lungdong tah in atoutan ahi. Daniel Pathen akan hetsahna achan bangain mang thudol chu chomkimtah in lengpa jah'a aseidoh tai. Tuhin lengpan amang chu ipi kiseina ahi nakhang dogeh in angaitai. Daniel in Pakai hetsahna dungjuiyin lengpa mang chu ahin hilchen tai, chuleh hichu phatah a ihinsim doh diu ahi. Bible leh themgao thuho hilchetna thei lampi umsun chu Bible ama leh ama kihilchen sah ding ahipene.

6 Milim luchang sana chu ipi vetsahna ham?

Daniel 2:38 *Nangma chu sana chu nahi*

NOTE: Lengpa chu gamsunga dinga aluchang ahi. Hiche jeh a chu Nebuchadnezzar chu Babylon lenggam vetsahna ahin, themgao thilmu jouse hiche lenggam akon hung kipan ahi. Neo-Babylon vaihomna chu 612 -539 B.C kum sung ahin, khanglui laiya dinga lenggam hitobang thupi hi anaumlou ahi –hiche lenggam hi sana toh tekah thei umsun lenggam ahi. Haimil lou ding khat chu Daniel phat a themgao thilmu ho kipan ahi.

7 Babylon lenggam vaihomna hi atonsot a ding jou em?

Daniel 2:39 *Nangma khang akichai tengleh nanunga nang sanga lhasam jep hung kitungdoh a*

NOTE: Babylon vaihomna chu tonsot hilou ding ahi. Amasanga lhasam jep lenggam khat in amnunga vai ahinhom kit ding ahi. Dangka chu sana sanga amalutna aneojoh banga, Babylon jouva lenggam chu aloupina lhasam jo ding ahi. 539 B.C., kumin Cyrus makaina noiyyin Medo-Persian lenggam kigomkhomin Babylon lenggam chu asat uvin ajou uvin, akaichim tauve. Hiti chunk um 539-331 B.C chan chu Medes leh Persia ten vai ahom tauve, kaidon jouse jong dangka ngen a san ahi.

8 Medo-Persia jouva lenggam chu ipi thih toh vetsahna kipe ham?

Daniel 2:39 *Chujou tengleh lenggam thum lhinna hungdoh kit ding hichu kiti lai chu, ama chun vannoi leiset vai ahom ding ahi*

NOTE: Sum-eng lenggam toh kitekah Greek te chu Alexander the great in Kum 331 B.C., a battle of Arbela kitia chun Mede leh Persia te anajouvin vai ahinhom tauve. Greek te chu 168 B.C., chan thanei vaihomna anachanguve. Greek sepai hochu sum-eng a kitom ahiuve ajeh chu galmanchah jouse chu sum-eng jenga kism ahi. Milim a thih hohi aban ban a lhasam jep jep ahi hi hejing ute, ahinlah amsapa sanga khoujo leh tahjo cheh ngen ahikit e.

9 Lenggam li lhinna chu ipi thih toh kitekah ham?

Daniel 2:40 *Lenggam lilhinna chu tobanga hat lenggam hiding ahi.*

NOTE: Iron monarchy of Rome kiti lenggam chunk um 168 B.C a Greek te ahinjou kittai chujouva kipat chun rome in vannoi thaneina vaihom ahinpon Ad 476 kuma Ostrogoths ten ahin mat geiyyin analal ui. Jesu Christa hung pen pet a vaipo chu rome lenggam anahie. Daniel in kum asang sang masanga themgao thilmua aseimasat hochu jangkeiya aguilhun dan heuhite.

Leiset chung a vaihom thunei lenggam li – Babylon, Medo-Persia, Greek, chuleh Rome hohi Bible kichehse a ase masat a chuleh history lekhabu jousen aphotchetna apehsohkei ahi.

10 Rome lenggam lhuh jou tengle ipity ding ham?

Daniel 2:41, 42 *Milim kengphang teni leh akhojung dung hochu abang bang thih hiya, abang bang lei ahibanga chu lenggam chu kikhen ding, chuleh hicheng lenggam chu ahat leh ahatlou kihal jeng jung ding ahi.*

NOTE: AD 476 kum rome lenggam ahung lhuh a kipat chun, lenggam dang khat hunga ahung jo ahipoi. Barbarian tribe (thinglhang mi) kiti hochu hung uva rome vaihomna asuhboi uva abung abunga aakehsou ahi – Daniel themgao in amu masat tobangchet a guilhung ahitai. Hiche tribe som kigom hochu tulai Europe gama jat chengkhom sohdo ho ahitauve. Amaho chu Ostrogoths, Visigoths, Franks, vandals, Alemanians, Sueves, Anglo-saxon, Heruls, lombards, chuleh Burgundians kitiho ahivu. Hiche holah'a chun nam sagi tugeiyineurope sunga aume. Vetsahnan, Anglo-saxon chu English ho ahivu, Franks chu French ahitan, Alemanians chu Germans ho ahivu, chuleh lombards chu Italian ho ahivu.

11 Hiche lenggam some khat hohi lolhingtah a kipumkhat theiyuvem?

Daniel 2:43 *Nangman thih chu bonlhoh leiset toh kihal jeng junga namu banga hiche khang mite chu kichengtouva kihal jeng jung diu ahi, ahivangala a kikan khom theilou hel diu ahi, thihle leiset akihal khom theilou banga chu.*

NOTE: Kichentona, kikhutsui pankhomna, chuleh thutep jatchom chom pansa in mitamtah in Europe lenggam hi gokhom ding sukhom ding anatiuve. Vetsahnan, history a lamkai lentah tah kihe Charlemange, Napoleon, Kaiser William, Mussolini chuleh Hitler hon Europe pumkhat a kona ding galpi anasat jeng uve; Hijongleh hiche Pathen thu kiseisa chun koimacha analohlinsah theipoi. Thuphon 13 in ase na'ah, ajou tengleh vannoiya houkhat kipunkomna ding hung umkit ding ahi ati, hijongleh Daniel themgao thusei dungjuiya leiset hi politically a kikhen jeng ding kigokhomna chu nung um talou ding ahidan eimusah uve.

12 Koiyin lenggam nukhah pen chu atun ding ham?

Daniel 2:44 *Hitobang lenggam kihal jeng jung khanga lengho khang phat hileh lenggam khat ahin tundoh ding ahin, hiche lenggam chu kisumang kit louhel ding ahitai.*

NOTE: Aban a lenggam hung umdoh ding chu vangam Pathen vaihomna lenggam chu hiding ahitai, hichu Matthew 25:31-34 sunga kisei chu ahi.

13 Sontum chun lenggam dangho sese chu i-alo em?

Daniel 2:34, 35 *mihem khut a kjsui kikhengjol hilou songtum khat chun milim chu akengphang teni thih leh leiset kihal tobang laitah chu in, akengphant teni chu hel tai ... chuleh milim sepkeh songtum chu akisoh in leiset pumpi alosoh tai.*

NOTE: Mihem khut a kisui hilou songtum chun Pathen lenggam avetsah ahi. Hiche lenggam chu leiset lenggam kigom khom a kisadoh hilou ahi, ahinlah leiset lenggam jouse khel a kisadoh lenggam ahi (Thuphon 21:11). Pathen akon kimu bangin Jesu Christa leiset a ahungkit tengleh, leiset lenggam jouse asuhmang sohhel ding chutengleh tonsot lenggam aphudoh ding ahi (Daniel 2:44). Iti thanop um hitam! Jesu hungkit tei ding ahi! Vannoi khang thusim jousen hiche lhunna ding amano jing tauve, Pathen chapa chu loupitah a ahungna ding nikho ahunglhun a tonsot lenggam ahung phudoh ding ahitai. Leng Nebuchadnezzar in Jerusalem agasat jouva Pathen houin asuboh pet a chu Pathen dihtah chu kajoutai ati maithei ahi (Daniel 1:1, 2), Ahinlah Pathen chu ijakai chung a vaihom ahijoi tichu kinotah in versah ahie. Mihem kinle dong jouse hi Pathenin vaihomna noi jeng ahibouve, chuleh jona chu atopkhong a Ama chang ding ahi. Babylon, Medo-Persia, Greek, Rome chuleh Nam som kibungkhen holoi chun Pathen vaihomna kasuboi un Pathen mite kasumang uve tiuvinte, ahinlah hiche leiset lenggam jouse Jesu Christa ahung tengleh suhgam hiding ahitauve. Pathen in setna galpi chu ajo ding ahi! Kakipah e Pakai.

14 Daniel in mang chu kichentah a ahilchetna angaichai phat chun, Nebuchadnezzar in Pathen iti achoi-an em?

Daniel 2:47 *Lengpan jong Daniel jah a chun aseiyin, tabbeh mongin nangma Pathen hi Pathen jouse Pathen ahin, leng ho jouse Pakai ahi; chujongleh Ama hi kiselguh phongdoh Pathen jong ahi.*

NOTE: Pathenin vannoi thil jouse chung a vai ahome ti amuphat in, Nebuchadnezzar jengin jong Dnaiel Pathen hou hi Babylon lenggam sunga pathen jouse sanga chungnungjo ahitai ti aphongdoh e. Daniel leh agotle hon Pathen a atahsan nau atuhdet jeh in kikhelna lentah gangchel in asohdoh jenge, Babylon lenggam sunga sohchang dinga kikai ahivuvin tuhin lengam a panmun lentah tah achang tauve (Daniel 2:48, 49). Pathen ama suling jouse chu asuhling ding ahi (1 Samuel 2:30).

NA KIGELLHAH NA

*Pathen chu leiset chung thil jouse chung vaihompah ahi nahetleh, nangma hinkho
a jong vai homhen nati em?*

DONBUTNA:

ABELAP

Hiche simmun hin hetbe ding eipeuve

Sana = Babylon

*Sana luchang laichun Babylon
lenggam avetsah e, ama chun
612 -539 B.C sungin vai abome.*

Danka = Medo-Persia

*A-oplhang dangka laitah chun
Medo-Persia lenggam avetsah e,
hichu 539-331 B.C sunga vaihom
ahi.*

Sum-eng = Greek

*Amalbul lai sum-eng thih toh
kitekah chu Greek lenggam ahi,
hichu 331-168 B.C
sunga vaihom thunei ahi.*

Thih = Rome

*Akeng thih toh kitekah chu Rome
lenggam ahi, vaihomna lenpen
anachangin kum 168- AD 476
geiyin analal e.*

Thih leh lei kihal

= Europe gam kibungkhen ho

*Akengphang abang thih hiya
abang bang leiset ahi chun lenggam
kibungkhen a kiung sukhhom
theilou ding avetsah ahi. AD 479
kuma kipat in mimal a thunei
vaihom koima asodoh tapoi, chuleh
Jesu Christa hung nigeiya hitia hi
um ding ahitai.*

Songtum = Christa tonsot lenggam, Athu theng leh adanthu ahi



Panorama of Prophecy, Lesson 2
©2022 Amazing Facts India
All Rights Reserved Printed in India
+91 916 916 4480 | AFTV.in

For more uplifting, life changing resources visit **Bookstore.AFTV.in**



THADOU- KUKI